



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmmæ Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

De errore ponentium animas in charitate decedentes, nulla pœna purgatoria pleniri. Et primo de errore illorum qui dicunt nullum peccatum esse veniale. Cap. XXV.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

11. Si ceciderit ligatū ad Austrum, aut ad Aquilonē, in quocumque loco ceciderit, ibi erit. Greg. 4. lib. Dialog. Qualis hinc quicquid egreditur, talis in iudicio presentatur. Et ut breuiter dicamus, vita presentis disponit de futura: vnde quum futura vita sine fine, eò quòd animæ sint immortales: presentis vita preparat futura vel miseriam sine fine, vel felicitatem sine fine.

*De errore ponentium animas in charitate decedentes, nulla pœna purgatoria puniri. Et primo de errore illorum qui dicunt nullum peccatum esse veniale.* CAP. XXV.

**S**equitur de errore illo q̄ ponit animas eorū qui in charitate decedūt, nulla pœna purgatoria in futuro puniendas. Quod error habet tres errores sibi annexos. Primus est, q̄ nullū peccatū est veniale. Secundus est, q̄ quādo dimittitur culpa, dimittitur & pœna: quòd si decedat, nulla pœna purgatoria punietur. Tertius, quòd suffragia ecclesiæ nō profint mortuis. ¶ Circa primū errorem notandum est, quòd qui sunt illius erroris, nō sentiunt de Domino in bonitate, cū credāt eū pro quacunque offensa seruis suis irasci ad mortē. Dicūt enim omne peccatū esse mortale. Et est error iste improbabilissimus. Non enim est verisimile, quòd pater misericordiarū pro quacunque offensa filios suos exheredet. ¶ Itē verisimile est quòd sicut habet gladium mortis aeternæ, quo vitur in seruos maleuolos pro magnis offensis: sic habeat virgam correctionis vel purgationis transitorie, qua pro leuibus offensis utatur in filios suos. Et sicuti nō omnis infirmitas vel vulnus corporale ad mortē est: sic nec omnis infirmitas spiritualis mortalis est. Itē sicut non omnis casus corporalis est ad cōfractiōem colli, ita nec omnis casus spiritualis ad mortē est. Proverbiorum 24. Septies in die cadet iustus & resurget. Poëta: Qui cadit in plano, tamē hoc vix euenit quā: Sic cadit, vt tacta surgere possit humo. Non proiciuntur vasa pretiosa omnino pro quacunque iniquatione, sed purgantur. Sic nec anima. Et si in morte in aliqua immunditia veniuntur: nō tamen pro quacunque damnantur. Item si omne peccatum mortale est, cū omne dictum, vel factum, vel concupitū contra legem sit peccatum: omne factum dictum, vel concupitum contra legem Dei, erit peccatum mortale: ergo ieiunare vel eleemosynam dare propter inanem gloriam, est mortale peccatum. Et breuiter quū aliquid fiet, de quo Deus dicit ne fiat, erit mortale peccatum: quòd si verum est, nullus erit sine mortali peccato. Item quū opus virtutis sit immediate opus vitij seu peccatū erit, quòd erit in superbia



re vel diminutione: si verò omne tale opus est mortale peccatū, ergo quicūq; in cibo excedet & potu, mortaliter peccabit. Item quum malū sit priuatio modi, vel spei, vel ordinis, omne opus quod erit priuatū modo seu mensura debita, erit mortale peccatum: peccatū enim & mortale peccatū conuertibilia sunt, secundū hunc errorē. Ergo quicūq; nimis amat filios suos, mortaliter peccat. Itē cum dicere alicui conuitiū subito ante perfectam deliberationē rationis malū sit: sic erit similiter mortale peccatū. Et idē erit in aliis operibus prohibitis, quod ante perfectam rationis deliberationē mortalia peccata erunt. Et secundū hoc nullus est in presentī vita qui vniuersaliter caueat à mortali peccato. Præterea in multis locis loquitur Særa scriptura de peccato, quæ non possunt intelligi de illo mortali. Et exempli causa de paucis tangemus. Legitur Prou. 10. In multiloquio non deerit peccatū. nō potest hoc intelligi de mortali peccato: quia multoties est multiloquiū sine mortali. Item Eccl. 11. Si diues fueris, nō eris impunis à delicto. Et Matt. 12. de omni verbo otioso quod locuti fuerint homines, reddet rationē de eo in die iudicij: ergo omne verbū otiosum peccatū est; sed nō omne verbū otiosum est mortale peccatū: ergo aliquod peccatū est veniale. Itē 1. Cor. 3. Fundamentū aliud nemo potest ponere, præter id quod positū est, quod est Christus Iesus. Si quis autē super ædificat super fundamentum hoc aurū, argentum, lapides pretiosos, ligna, fœnū, stipulam: vniuscuiusque opus manifestum erit: dies enim Dñi declarabit, quia in igne reuelabitur. Ligna, fœnum, stipula, venialia grossiora vel leuiora intelliguntur: sicut patet ex his quæ sequuntur. Vniuscuiusque opus quale sit, ignis probabit. Si cuius opus manserit, quod superædificauerit, mercedē accipiet. Si cuius opus arserit, detrimentū patietur: ipse autē saluus erit, sic tamē quasi per ignē. Itē legitur 1. Ioan. 1. Si diximus quoniā peccatū nō habemus, ipsi nos seducimus, & veritas in nobis non est. De mortali peccato nō videtur hoc posse intelligi, cum illud nō sit in amicis Dei. Itē eiusdē, distinguit Iohānes peccatū ad mortē, & peccatū non ad mortē. Est ergo aliquod peccatū mortale, & aliquod quod nō est mortale. Item in Psal. Omnis homo mendax, quod mendaciū mortale intelligi non potest. Et Eccl. 7. De negligentia tua purga te cum paucis.

*De errore poenitentium, quod quando dimittitur culpa, amittitur & pena, propter quod non oportet purgari.*

CAP. XXVI.

Circulosus est, quum occasionē det peccatoribus ad Deum

m